



REPUBLIKA E SHQIPËRISË

**BASHKIA FUSHË-ARRËZ
KËSHILLI**

Nr. 939 Prot

Fushë-Arrëz me, 24 / 03 /2026

P/VENDIM

Nr. 14, datë 24.03. 2026

“PËR

MIRATIMIN E PLANIT TË MASAVE PËR PARANDALIMIN DHE SHUARJEN E ZJARREVE NË PYJE DHE KULLOTA, SI DHE PËR KRIJIMIN E NJËSIVE VULLNETARE TË SHUARJES SË ZJARREVE PËR VITIN 2026, BASHKIA FUSHË-ARRËZ”

Mbështetur në ligjin nr.139/2015 “Për Vetëqeverisjen Vendore” në nenin 30 të Ligjit me nr. 57/2020 datë 30.04.2020 “Për Pyjet” ; Ligjin nr.9693, datë 19.3.2007, “Për fondin kullosor”, të ndryshuar, Vendimin të Këshillit të Ministrave nr.134 date 3.3.2021 “Për disa ndryshime dhe shtesa në vendimin nr.433 date 08.06.2016 të këshillit të ministrave “Për transferimin në pronësi të Bashkive të pyjeve dhe të kullotave publike sipas listave të inventarit dhe aktualisht në administrim të Ministrisë së Mjedisit e të ish Komunave/Bashkive” ; Vendimin të Këshillit të Ministrave nr. 1080, datë 22.12.2010 “Mbi rregullat për parandalimin dhe shuarjen e zjarreve në pyje dhe kullota” ; “Plani i masave për parandalimin dhe shuarjen e zjarreve në pyje dhe kullota, si dhe për krijimin e njësive vullnetare të shuarjes së zjarreve për vitin 2026, bashkia Fushë-Arrëz”;

1. I propozojmë Këshillit Bashkiak Fushë-Arrëz miratimin e “Planit të masave për parandalimin dhe shuarjen e zjarreve në pyje dhe kullota, si dhe për krijimin e njësive vullnetare të shuarjes së zjarreve për vitin 2026, bashkia Fushë-Arrëz”.
2. Për zbatimin e këtij vendimi dhe ndjekjen e procedurës, në përputhje me përcaktimet e Ligjit nr. 57 datë 30.04.2020 “ Për pyjet”, ngarkohet Bashkia Fushë-Arrëz.
3. Ky vendim hyn në fuqi sipas përcaktimeve të pikës 6 të nenit 55 të ligjit nr.139/2015 “Për Vetëqeverisjen Vendore ” dhe pas konfirmimit ligjor nga Institucioni i Prefektit të qarkut Shkodër.

DREJTORI I ADM PYJEVE DHE KULLOTAVE

Ardmir **Doda**

KRYETARI

Hil **Curri**



JURISTI

Redona **Hasani**



REPUBLIKA E SHQIPËRISË

BASHKIA FUSHË-ARRËZ
DREJTORIA E ADMINISTRIMIT TË PYJEVE DHE KULLOTAVE

Nr. 939 / Prot

Fushë-Arrëz me, 24 / 103 /2026

R E L A C I O N

Drejtuar: KËSHILLIT BASHKIAK

“PËR PARANDALIMIN DHE SHUARJEN E ZJARREVE NË PYJE DHE KULLOTA, SI DHE PËR KRIJIMIN E NJËSIVE VULLNETARE TË SHUARJES SË ZJARREVE PËR VITIN 2026”

Në mbështetje të Ligjit Nr. 139/2015 “Për vetëqeverisjen vendore”, në nenin nr.30 të Ligjit me Nr. 57 datë 30.04.2020 “Për pyjet”, Ligjin Nr. 9693, datë 19.3.2007, “Për fondin kullosor”, të ndryshuar, VKM-ne nr.134 date 3.3.2021 “Për disa ndryshime dhe shtesa në vendimin nr.433 date 08.06.2016 të këshillit të ministrave “Për transferimin në pronësi të Bashkive të pyjeve dhe të kullotave publike sipas listave të inventarit dhe aktualisht në administrim të Ministrisë së Mjedisit e të ish Komunave/Bashkive”, VKM-në Nr. 1080, datë 22.12.2010 “Mbi rregullat për parandalimin dhe shuarjen e zjarreve në pyje dhe kullota”, si dhe në zbatim të parashikimeve në legjislacionin në fuqi për mbrojtjen nga zjarri dhe shpëtimin, për parandalimin dhe menaxhimin e situatave që mund të krijohen nga zjarret në pyje dhe kullota dhe me udhëzimet e Sektorit të Mbrojtjes Civile pranë Bashkisë Fushë-Arrëz, Drejtoria e Administrimit të Pyjeve dhe Kullotave harton dhe miraton tek Kryetari i Bashkisë këtë plan masash.

Në këtë plan masash do gjejnë vende veprimet e domosdoshme për parandalimin e rreziqeve nga zjarri, veprimet për zbulimin e shuarjen e zjarreve dhe për rehabilitimin e sipërfaqeve të dëmtuara nga zjarri.

Bashkëngjitur me këtë relacion, gjenden për miratim plani i masave kundër zjarreve në pyje dhe kullota në Bashkinë Fushë-Arrëz.

P/Sek. Menaxhimit Pyjor

Ing. Zamir Alija

Drejtori

Ing. Ardmir Doda

KRYETARI

Hil Curri

Juristi

Redona Hasani





REPUBLIKA E SHQIPËRISË

BASHKIA FUSHË-ARRËZ
DREJTORIA E ADMINISTRIMIT TË PYJEVE DHE KULLOTAVE

Nr. 938 Prot

Fushë-Arrëz me, 24 / 03 /2026

MIRATOHET

KRYETARI

HIL CURRI



PLAN - MASASH

“PËR

**PARANDALIMIN DHE SHUARJEN E ZJARREVE NË PYJE DHE KULLOTA SI DHE PËR
KRIJIMIN E NJËSIVE VULLNETARE TË SHUARJES SË ZJARREVE PËR VITIN 2026”**

Në mbështetje të Ligjit Nr. 139/2015 “Për vetëqeverisjen vendore”, në nenin nr.30 të Ligjit me Nr. 57 datë 30.04.2020 “Për pyjet”, Ligjin Nr. 9693, datë 19.3.2007, “Për fondin kullor”, të ndryshuar, VKM-ne nr.134 date 3.3.2021 “Për disa ndryshime dhe shtesa në vendimin nr.433 date 08.06.2016 të këshillit të ministrave “Për transferimin në pronësi të Bashkive të pyjeve dhe të kullotave publike sipas listave të inventarit dhe aktualisht në administrim të Ministrisë së Mjedisit e të ish Komunave/Bashkive”, VKM-në Nr. 1080, datë 22.12.2010 “Mbi rregullat për parandalimin dhe shuarjen e zjarreve në pyje dhe kullota”, si dhe në zbatim të parashikimeve në legjislacionin në fuqi për mbrojtjen nga zjarri dhe shpëtimin, për parandalimin dhe menaxhimin e situatave që mund të krijohen nga zjarret në pyje dhe kullota dhe me udhëzimet e Sektorit të Mbrojtjes Civile pranë Bashkisë Fushë-Arrëz, Drejtoria e Administrimit të Pyjeve dhe Kullotave harton dhe miraton tek Kryetari i Bashkisë këtë plan masash;

Në këtë plan masash do gjejnë vende veprimet e domosdoshme për parandalimin e rreziqeve nga zjarri, veprimet për zbulimin e shuarjen e zjarreve dhe për rehabilitimin e sipërfaqeve të dëmtuara nga zjarri, dhe konkretisht:

1. Ngritja e shtabit pranë Bashkisë Fushë-Arrëz për parandalimin dhe menaxhimin e zjarreve në pyje dhe kullota.

Drejtoria e Administrimit të Pyjeve dhe Kullotave, deri me datë 16.05.2025.

2. Organizimi i sistemit të vrojtimit - sinjalizimit, i cili funksionon gjatë gjithë vitit në shkallë të ndryshme gadishmërie, në varësi të sezonit të zjarreve, dhe në nivel njësie administrative.

Drejtoria e Administrimit të Pyjeve dhe Kullotave, në bashkëpunim me administratorët dhe kryetarët e fshatrave, deri me datë 23.05.2025.

3. Organizimi i njësive vullnetare të shuarjes së zjarreve (NJVSHZ), me 5-15 vullnetarë, për çdo fshat të cilët veprojnë gjatë periudhës 1 maj - 15 tetor.

Njësitë administrative në bashkëpunim me kryetarët e fshatrave deri me datë 23.05.2025.

4. Planifikimi, shpërndarja dhe përdorimi efektiv i burimeve njerëzore e i mjeteve motorike, i fikseve të shpines, veshembathjeve të posaçme kundra zjarrit dhe veglave të punës në dispozicion dhe administrim të çdo njësie administrative.

Drejtoria e Zhvillimit Ekonomik, Finances dhe Tatim Taksave dhe Drejtoria e Administrimit të Pyjeve dhe Kullotave deri me datë 23.05.2025.

5. Personat përgjegjës të sektorit të pyjeve, të emergjencave civile dhe të shërbimit zjarrfikës në bashkëpunim me administratorët e njësive vendore si dhe personat përgjegjës të institucioneve të tjera, planifikojnë organizimin e takimeve për informimin dhe ndërgjegjësimin e publikut, në shkolla dhe institucione të tjera shtetërore dhe private, për rrezikun e zjarreve dhe mbrojtjen nga zjarri, duke u përqendruar në;

a) Ndalimi në largësi 200 - 300 metra, e ndezjes së zjarreve në pyje e kullota ose jashtë tyre, që rrezikon djegien e pyllit ose të kullotës.

b) Ndalimin e tymosjes së bletëve në pyje e kullota, përveç kur ky veprim kryhet me mjete që kanë pajisje të posaçme dhe kapak plotësisht të mbyllur.

c) Mbajtjen nën kontroll të vizitorëve, ekskursionistëve, grupet sportive, gjatë vizitave të tyre në pyje dhe kullota, të blektoreve që shfrytëzojnë kullotat verore, si dhe të subjekteve apo individëve që punesohen në shfrytësimin e lëndës drusore dhe të prodhimeve të tjera me origjinë pyjore.

ç) Ndalimin e përdorimit të tapave të fishekëve të gjahut prej materiali që merr zjarr lehtë (lini, letër, peceta etj).

d) Ndalimin e djegies së kashtës së të korrave të kulturave bujqësore që rrezikojnë përhapjen e zjarreve në pyje dhe kullota, pa marrjen e masave parandaluese.

dh) Ndalimin e qitjeve me predha që shkaktojnë zjarr në zonat me drurë pyjorë të thatë dhe mbeturina pyjore (gjethe, shkarpa, kalbësira etj.) e në kullota.

ë) Mbajtjen në gatishmëri të sistemit të lajmërimit dhe mjeteve të komunikimit.

f) Rëndësinë e raportimit në vazhdimësi për situatën në raste zjarresh, sipas linjës së varësisë.

Specialistet, Rojtaret e pyjeve, Inspektoret, përkates vazhdimisht.

6. Organizimi i provave të gadishmërise për të verifikuar skemat e lajmërimit, grumbullimin e njerëzve, gadishmërinë e mjeteve e të sistemeve të ndërlydhjes e të komunikimit.

Përsoni përgjegjës pranë njësise vendore dhe kryetaret e fshatrave, një prove deri me datë 13.06.2025.

7. Specialistë të shërbimit pyjor, të emergjencave civile dhe të shërbimit zjarrfikës, me mbështetjen e administratorit të njësise vendore dhe kryetarëve të fshatrave, organizojnë trajnime dhe kualifikime te punonjësve të NJVSHZ - ve, për shuarjen e zjarreve.

Përgjegjësit, specialistët, inspektoret, rojtaret e pyjeve përkatës vazhdimisht.

8. Përgatitja dhe vendosja në udhëkryqe në vende të dukshme, të tabelave te posaçme me mbi shkrime për mbrojtjen e pyjeve dhe të kullotave nga zjarri.

Inspektoret, rojtaret e pyjeve përgjegjës pranë njësive administrative deri me datë 16.05.2025.

9. Administratorët e njësive administrative dhe pronarët privatë të pyjeve ngrenë infrastrukturën për mbrojtjen nga zjarri dhe raportojnë vazhdimisht mbi mbarëvajtjen e këtij procesi në strukturat përgjegjëse të Bashkisë Fushë-Arrëz.

10. Shpenzimet për funksionimin dhe përmirësimin e infrastrukturës për shuarjen e zjarreve në fondin pyjor dhe kullosor, si dhe për ngritjen e njësive vullnetare të shuarjes së zjarreve (NJVSHZ) përballohen nga përsonat juridikë dhe/ose fizikë, që i kanë në pronësi/përdorim, në zbatim të detyrimeve që rrjedhin nga ligjit “ Për emergjencat civile ”.

Përsonat përgjegjës për financat e sektorit të pyjeve pranë bashkisë deri me datë 23.05.2025.

11. Nën linjat e tensionit të lartë që kalojnë në pyje dhe kullota, krijohet një trase me gjerësi 20-30 metra, e cila pastrohet vazhdimisht nga drurët dhe mbulesa vegetative, për të shmangur zjarret dhe aksidentet e mundshme nga defektet dhe këputjet e linjave. Punimet për hapjen dhe mirëmbajtjen e traseve bëhen në bazë të një projekti teknik, që hartohet nga specialist te licensuar te fushes dhe miratohet nga bashkia Fushë-Arrëz, e cila ndjek edhe zbatimin e projektit. Shpenzimet dhe përgjegjësinë për kryerjen e këtij operacioni i ka sektori përkatës i OST-së ose administruesi i linjës.

Administratori dhe inspektoret, rojtar pyjeve përgjegjës pranë drejtorisë së pyjeve, vazhdimisht.

12. Në anët e rrugëve nacionale dhe rurale që kalojnë në afërsi të pyjeve, ndërmarrjet e mirëmbajtjes së rrugëve marrin masa pastrojnë skarpatet e rrugëve nga vegetacioni i djegshëm me qëllim parandalimin e zjarreve.

Përsoni përgjegjës për pyjet dhe përsoni përgjegjës për rruget rurale, vazhdimisht.

13. Djegia e kullotave të infektuara nga barërat e këqija dhe parazitët bëhet me miratimin me shkrim të Drejtorisë së Administrimit të Pyjeve dhe Kullotave , sipas nenit 22 të ligjit nr.9693, datë 19.3.2007 , “Për fondin kullosor”, të ndryshuar.

Përsoni përgjegjës për pyjet dhe kullotat pranë drejtorisë ,vazhdimisht.

14. Ndezja e zjarreve në brendësi të zonave të mbrojtura bëhet vetëm në zona të përcaktuara nga administrata e këtyre zonave, pasi të jenë marrë masat e nevojshme për krijimin e kushteve të përshtatshme që parandalojnë përhapjen e zjarrit.

Specialist të sektorit pyjore, rojtaret e pyjeve, inspektorët e kontrollit të territorit dhe policia bashkiake, vazhdimisht.

15. Gjatë operacioneve të parandalimit e të shuarjes së zjarreve në pyje dhe kullota, në të cilat ka banesa ose objekte të tjera civile, njësitë e qeverisjes vendore, personat fizikë dhe juridikë, publikë dhe privatë dhe organet e shërbimit pyjor bashkëveprojnë me Policinë dhe Mbrojtjen nga Zjarri dhe Shpëtimit, duke shkëmbyer informacione dhe burime njerëzore e materiale, sipas nevojave respektive dhe mundësive reale. Në këtë kontekst kërkohet plan veprimi i përbashkët ndërmjet këtyre strukturave.

Përgjegjësi i shërbimit zjarrfikës, përgjegjësi i sektorit pyjore dhe administratorët e njesive administrative, deri me datë 23.05.2025.

16. Për shuarjen e zjarreve të mëdha marrin pjesë me forca dhe mjete, sipas kapaciteteve që kanë në dispozicion, të gjitha institucionet shtetërore dhe private, njësitë e reparteve ushtarake etj. Në këto raste, shuarja e zjarrit organizohet e kryhet sipas kërkesave dhe procedurave të përcaktuara në ligjin, “Për emergjencat civile”, dhe në aktet nënligjore, në zbatim të tij.

17. Në rastet kur është e nevojshme vendimarrja për zgjidhjen e situatave konkrete, drejtimi organizativ dhe teknik i operacionit për shuarjen e zjarreve në pyje dhe kullota bëhet nga specialist i pyjore, përgjegjës për zjarret.

18. Sektori i Menaxhimit të Pyjeve, specialistët, inspektorët, rojtaret e pyjeve përgjegjës pranë njesive administrative, shërbimet e policisë bashkiake, inspektoriat i kontrollit të territorit, dhe ato të shërbimit zjarrfikës, mbajnë kontakte të vashdueshme me strukturat e policisë dhe strukturat e tjera ligjzbatuese, ku krahas kontributit për sensibilizimin e komunitetit për marrjen e masave për parandalimin dhe shuarjen e zjarreve në pyje dhe kullota, marrin të gjitha masat për zbulimin, gjetjen dhe venjen përpara përgjegjësisë ligjore të personave zjarrvënës.

Specialistët, Inspektorët, Rojtaret e pyjeve, përgjegjës për zonën pyjore, Shërbimit zjarrfikës, Inspektoriat i Kontrollit të Territorit, dhe Policia Bashkiake - vazhdimisht.

19. Strukturat përgjegjëse të administrimit të fondit pyjor dhe kullor pranë bashkisë hartojnë një plan - veprimi të përbashkët me strukturat e shërbimit zjarrfikës, për raste kur do të përdoren forcat zjarrfikëse dhe mjetet e tyre në operacionet izolimit dhe fikjes së zjarreve në zonat pyjore me rrezikshmëri të lartë.

Përgjegjësi i sektorit të pyjeve dhe ai i shërbimit zjarrfikës, deri me datë 13.05.2025.

20. Në buxhetin vjetor për sektorin e pyjeve dhe kullotave planifikohet një fond operativ për mbrojtjen e pyjeve dhe të kullotave nga zjarri, për:

a).organizimin dhe funksionimin e përhershëm të sistemit të analizës së të dhënave e për përcaktimin e rasteve të vendimmarrjes për të ardhmen, si dhe për mbajtjen e skuadrave zjarrfikëse pranë organeve të shërbimit pyjor, dhe qeverisjes vendore.

- b). Organizimin e sistemit të vrojtimit/sinjalizimit në të gjithë territorin e bashkisë Fushë-Arrëz, për fushatat e sensibilizimit e të ndërgjegjësimit të publikut, për rrezikun e zjarreve në pyje dhe kullota;
- c). Kryerjen e punimeve të nevojshme për parandalimin e zjarreve dhe reduktimin e pasojave të tyre (pastrime, rrallime, hapje brezash, kulla vrojtimi etj).
- ç). Eliminimin e pasojave të zjarreve (hedhje fare, mbjellje, punime për frenimin e erozionit etj).
- d). Shpërblimin e të aksidentuarve në rastet e pjesëmarrjes në shuarjen e zjarreve në pyje;
- e). Dhënien e stimujve material për rastet e kontributeve të veçanta për këtë qëllim;
- ë). Përmirësimin e logjistikës me mjete e pajisje dhe të infrastrukturës mbështetëse në përgjithësi.

21. Mënyra e pagesës dhe e shpenzimeve për shuarjen e zjarreve në pyje dhe kullota bëhet sipas akteve ligjore dhe nënligjore në fuqi, që përcaktojnë mënyrën e lëvrimin të fondeve në rastet e emergjencave civile.

Përsoneat përgjegjes, Drejtoria e Zhvillimit Ekonomik, Finances dhe Tatim Taksave e bashkisë Fushë-Arrëz deri me 23.05.2025.

22. Për zbatimin e këtij plan masash, ngarkohen Drejtoria e Administrimit të Pyjeve dhe Kullotave, Drejtoria e Zhvillimit Ekonomik dhe Tatim Taksave, Shërbimi Zjarrfikës pranë Bashkisë Fushë-Arrëz dhe Njesitë Administrative etj.

23. Me këtë plan masash, njihen dhe pajisen me nga një kopje të gjitha strukturat në vartësi të Bashkisë Fushë-Arrëz.

P/Sek. Menaxhimit Pyjor

Ing. Zamir Alija

DREJTORI

Ing. Ardnir Doda